


Սրճարանի հաճախորդը



Exported from Wikisource on 08/12/20

Սրճարանի հաճախորդը

← [Հերոսի
վերադարձը](#)

[Ալինա](#)

→

[Ծիռվանգաղե](#)

[[292](#)]

ՄՐՃԱՐԱՆԻ ՀԱՃԱԽՈՐԴԸ

Նա ամեն օր գալիս էր այն սրճարանը, ուր սովորաբար լինում էի ես:

Ներս էր մտնում ահազին անձրևանոցը կոնատակին, արագ քայլերով, որպես անշափի զբաղված մեկը, և, իբր թե հոգնած, նստում էր կլորիկ սեղաններից մեկի քով: Խորշոմած ճակատը մեծ քաշկինակով սրբելով, նայում էր աշ ու ձախ, հպարտ, քայց անհանգիստ նայվածքով:

Ծանոթներ շատ ուներ: Երբ տեսնում էր նրանց, ներվային շարժումով վեր էր ցատկում տեղից ու մոտենում: Նստում էր նրանց մոտ առանց կանխապես բույլտվություն խնդրելու, երբեմն առանց բարեւելու անզամ: Սակայն, երբ բարեւում էր, ոչ ոք չէր պատասխանում նրա բարեւին և ոչ ոք աթոռը չէր շարժում՝ սեղանի քով նրա համար տեղ բանալու: Բայց նա անվրդով՝ միշտ տեղ էր գտնում, թեկուզ շրջանից դուրս:

Թվում էր, որ այդ մարդն իր ծանոթների աշքում այնքան արժեք ունե, որքան մի ավելորդ աթոռ: Եվ նա բնավ չէր շփոթվում մարդկանց անուշադիր վարմունքից: Արտաքուստ ինքն էլ արհամարհանքով էր վերաբերում նրանց:

Անուշադիր էին դեպի նա և սրճարանի սպասուիիները: Երբ ներս էր մտնում, նրանք նայում էին միմյանց երեսին և հեզանորեն ժպտում: Երբեմն նոյնիսկ ծիծաղում էին այն անպատկառ ծիծաղով, որ հատուկ է հասարակական ^{վե.[293](#)}երի ծառայողներին, երբ գիտեն, որ հաճախորդը լավ վարձատրողներից չէ: Երկար ժամանակ չէին մոտենում մարդու պատվերն ընդունելու կամ մոտենում էին դժկամությամբ, դանդաղ քայլերով, կարծես, մի ծանր, անախործ պարտը էին կատարում:

Ինձ շատ էր հետաքրքրում այդ մարդը: Նրա վրա անողոք ժամանակը վաղաժամ սփոել էր ծերության առաջին փոշին: Իր կարմիր-կապտագույն

Երեսով, իր ուռած ու մսալի քթով, որ ծածկված էր բշտիկներով, իր հիվանդու ու միշտ ջրակալ աչքերով նա նմանվում էր անուղղելի ալքոհոլիկի: Սակայն ես երբեք նրան հարբած չէի տեսնում: Նրա տձևը ու հնամաշ սյուրտուկը, որի կուրծքն ու արմունկները փայլում էին պողպատի պես, մատնում էին նրա գրպանի զաղտնիքը: Բայց նա աշխատում էր իր չքավորությունը շղարշել շինծու արտաքին հպարտությամբ: Դա զգայուն և ինքնասեր չքավորների հավիտենական գենքն է: Պարզ էր ինձ համար, որ այդ մարդը մի ժամանակ վայելել է կյանքի բարիքները և այժմ անցյալի սնուտի հիշողություններից չի կարողանում ազատվել:

Խոսում էր նա բարձր, խրոխտ ձայնով, միշտ տալով այդ ձայնին մի տեսակ հրամայողական շեշտ: Ստեպ-ստեպ արտասանում էր տեղական իշխանավորների ու հարուստների անունները կես-մտերմական, կես-արհամարհական եղանակով, ընդգծելով իր բարեկամությունը կամ ծանոթությունը նրանց հետ:

Մերթ ընդ մերթ, իբր թե մի կարևոր բան մտաբերելով, ձեռք զարկում էր ճակատին ու գոչում.

— Ա’հ, թիշ էր մնում մոռանայի:

Եվ, արագությամբ ոտքի ելնելով, մոտենում էր տելեֆոնին, երբեք կոնատակից բաց չթողնելով անձրևանոցը:

— Կենտրոնակա՞նն է,— լսվում էր նրա հրամայական ձայնը,— տվեք համար 9 —11: Շնորհակալ եմ: Ո՞վ է ապարատի մոտ: Ա’ա, այդ դո՞ւք եք, իշխան: Խորին հարգանքներ, ձերդ պայծառափայլության: Ուզում էի խոսել կալվածքի մասին: Եքե զինը մի թիշ պակասեցնեք, կարող եմ գործը գլուխ բերել: Ինչպե՞ս: Այսօր զալ ձեզ մո՞տ: Ցավում եմ, որ չեմ կարող, ժամանակ չունեմ: Վաղը կգամ:

Մ²²⁴ առան առողջացա՞վ: Շատ ուրախ եմ: Խորին հարգանքներիս հավաստին նորին պայծառափայլություն իշխանուին: Ոչ, ոչ, այսօր զբաղված եմ . թեյի զալ չեմ կարող, թող իշխանուին ներե: Վաղը ուղիղ տասնումեկ ժամին:

Ցտեսություն:

Եվ այսպես, նա միշտ խոսում էր մերթ իշխանների, մերթ նշանավոր հարուստների կամ պաշտոնյաների հետ, երբեմն մի ժամվա մեջ հինգ-վեց անգամ: Երբ մոտենում էր տելեֆոնին, սպասուիները նայում էին իրար ու ժպտում: Իսկ նա, տելեֆոնի խոսակցությունից կազդուրված, հպարտ քայլերով նորեն մոտենում էր իր սեղանակիցներին, նորեն նստում, որպեսզի, մի քանի րոպե անցած, նորեն մոտենա տելեֆոնին: Երբեմն նա հանդիմանում էր տելեֆոնի աղջկներին: Անիրավները շուտ չեն պատասխանում նրան:

Առհասարակ նրա քայլվածքը, նրա բոլոր ձևերն ու շարժումները, խոսելու եղանակը, ամեն ինչ արտահայտում էին վերին աստիճանի գործնական, զբաղված մարդու անհամբերություն ու ներվայնություն: Այսպես էր թվում ինձ այն ժամանակ:

Մի անգամ ես սպասուի իներից մեկին հարցրի .

— Ասացեք, խնդրեմ, ո՞վ է այդ եռանդուն մարդը:

— Աստված գիտե, չեմ ճանաչում,— պատասխանեց սպասուի ին, — հարցրեք Նադյային, նա ամենքին ճանաչում է:

Նադյան սրճարանի ամենահին սպասուի ին էր և իրավ ճանաչում էր բոլոր հաճախորդներին:

— Այս, դուք չե՞ք ճանաչում **Պյոտր Պետրովիչ Փեֆինյանցին**, — զոշեց նա զարմացած, — այդ զարմանալի է: **Պյոտր Պետրովիչն** ամենքի խնամին է: Աստված ինքն է ուղարկել մեր գլխին փորձանքի համար:

— **Փորձանքի**:

— Այո, այդ մարդը պատիժ է մեզ համար, կատարյալ պատիժ:

— Բայց ո՞վ է, ի՞նչ գործի մարդ է:

— Միջնորդ է, կամ, ինչպես ինքն է ասում, կոմիսիոներ: Իբր թե ուրիշների համար տներ է դնում կամ վաճառում, բնակարաններ է վարձում, ով գիտե,
հետզար ու մի բաներ: Ես միայն զարմանում եմ, որ մեր սրճարանի տերը, այդ
կոպիտ ուսմիկը, մինչև այժմ նրան չի արտաքսել: Ամեն օր զալիս է, սուրճ խմում,
նազուրները խփշում ու հայդա . . . Ահա դարձյալ . . .

Եվ, խոսքը չափարտած, սպասուի ին հեռացավ շտապ քայլերով: Այդ միջոցին
Պյոտր Պետրովիչ Փեֆինյանցը, որ մենակ էր նստած սեղանի քով, շտապ-շտապ
կերել խմել ու հեռանում էր սովորական արագ քայլերով:

— **Պյոտր Պետրովիչ**, — զոշեց Նադյան, վազելով նրա ետևից, — կացեք, **Պյոտր Պետրովիչ**, վճարեցեք, հետո...

— Լա՛վ, լավ, հետո, ժամանակ չունեմ, — ասաց **Պյոտր Պետրովիչն** առանց ետ նայելու:

Եվ վազեց փողոց այնպես արագ, որ նրա անձրևանցի ձողերից մեկը, դիաչելով դռների շրջանակին, կոտրվեց:

— Անիծվի քեզ նման հաճախորդը,— արտասանեց սպասուիին, կատաղելով,— Էլի փախավ գող կատվի պես: Եվ ինչպես չի ամաշում իր սյուրտուկից ու գլխարկից:

Բոլոր սպասուիիները միաձայն ծիծաղեցին: Բարեբախտաբար, սրճարանում, բացի հնձնից, հաճախորդներ չկային: Ես հետաքրքրվեցի այդ տեսարանով:

— Տեսա՞ք ինչ արավ անիրավը,— նորեն մոտեցավ ինձ Նադյան,— քանիերորդ անգամն է այս: Ամեն օր գալիս է, նստում է պատվավոր պարոնների հետ, պահանջում է, լակում, լափում ու ծլկվում: Ուրիշներն են վճարում նրա համար: Իսկ երբ ծանրթներ չկան, Էլի պահանջում է: Երկու անգամ Էլ ես եմ վճարել նրա համար: Ոչ, այլս նրան ոչինչ չեմ մատուցանելու: Անամո՞ք, սրիկա՞՝, թյու՞...

— Ինչպե՞ս եք համարձակվում սրիկա անվանել մի այդպիսի պատվավոր պարոնի,— ասացի ես դիտմամբ, որպեսզի ավելի խոսեցնեմ սպասուիուն:

— Պատվավո՞ր,— կրկնեց Նադյան հեզնորեն,— լսեցի՞ք, Մաշա, Ժենյա, պարոնը Պյոտր Պետրովիչին պատվավոր մարդ անվանեց: Պարոն, մի՞թե պատվավոր մարդը թույլ կտա, որ ինձ նման մի խեղճ սպասուիի իր փոխարեն վճարե սուրճի փողը:

— Իհարկե Պյոտր Պետրովիչը պատվավոր մարդ է,— պնդեցի ես,— չե՞ք լսում, ի^{Ե296} նա ամեն օր մի քանի անգամ տելեֆոնով զրույց է անում քաղաքի իշխանների ու միլիոնատերերի հետ, իսկ երեկ նա խոսեց նահանգապետի հետ:

Սպասուիին բարձրաձայն ծիծաղեց:

— Նահանգապետի հետ, նահանգապետի հետ,— կրկնեց նա՝ ձեռքերը զարկելով ծնկներին:— Պարո՞ն, այս քաղաքում չկան ո՞չ այդպիսի իշխաններ ու մեծամեծներ և ո՞չ Էլ այնպիսի նահանգապետներ, որոնք բարեհաճեին Պյոտր Պետրովիչի հետ տելեֆոնով խոսելու:

— Իսկ նա խոսում է. ես ամեն օր լսում եմ:

— Թող խոսե ինքն իր հետ, ի՞նչ կա, դրա համար հո փող չի վճարում:

— Ինչպե՞ս թե ինքն իր հետ:

— Այսինքն՝ այնպես, Էլի, ինքն իրեն տելեֆոնի հետ:

— Չեմ հասկանում:

— Չհասկանալու ոչինչ չկա: Դա ոեկլամ է, որիշ ոչինչ:

— Ո-եկլա՞մ:

— Այո՛, պարոն, ինքը Պյոտր Պետրովիչն է հնարել, ցոյց տալու համար, թե տեսեք ես ինչ մեծամեծների հետ գործ ունեմ: Գիտե՞ք, թեև նա կոմիսիոներ է և այնքան իրեն զբաղված մարդ է ցոյց տալիս, բայց մեզ հայտնի է, որ նա անգործ է և ոչ ոք նրան գործեր չի հանձնում: Հապա՞”, որովհետև եթե գործ ունենար, փող էլ կունենար ու իր սուրճի համար էլ ինքը կվճարեր: Այնպես չէ՞:

Ես հասկացա Պյոտր Պետրովիչի պարզ խորամանկությունը: Խեղճ մարդ, այդ անմեղ կեղծիքով նա աշխատում էր սրճարանի հաճախորդների հավատը զրավել:

— Մենք ամենք գիտենք Պյոտր Պետրովիչի օյինները,— ավարտեց Նադյան իր խոսքը,— բայց այնքան ընտելացել ենք, որ այլևս ուշադրություն չենք դարձնում: Ի՞նչ կա, թող ինքն իր հետ խոսե տելեֆոնով, դրանից ոչ ոք վնաս չունի:

Այդ պահին Պյոտր Պետրովիչը նորեն ներս մտավ, այս անգամ չորս պարոնների հետ տաք-տաք խոսակցելով:

Ես կարծեցի, որ Նադյան կպահանջեն նրանից սուրճի փողը, պատրաստ էի ինք վճարել, միայն թե նա ուրիշների առջև չամաչեցներ այդ մարդուն: Բայց Նադյան շմուտեցավ նրան:

— 27 Անհարմար է,— ասաց նա,— պարոններն անծանոթ են: Ելի ինչ որ լինի, մեր Պյոտր Պետրովիչն է, ես նրան ուրիշների մոտ չեմ խայտառակի:

Այդ օրից իմ մեջ ծագեց մի տեսակ կարեկցություն դեպի այդ մարդը: Ես զավեցի մինչև անգամ, որ գործեր չունեմ նրան հանձնելու: Պատրաստ էի հավատալ նրան ամենախոշոր հանձնարարություններ, եթե ունենայի: Երևի նա ինքն էլ զգում էր, որ չունեմ, որովհետև ինձ վրա բնավ ուշադրություն չէր դարձնում, այնինչ ամբողջ սրճարանում նա էր միայն, որ ինձ հետաքրքրում էր: Առանց անձնապես հետո ծանոթանալու ու հետո խոսելու, զգում էի պարզուեն, որ օր-օրի վրա նրա հոգին ընկճվում է ձախորդ կյանքի լծի տակ և տեսնում էի, որքան նա շատ է ճգնում մարդկանց խարել իր կեղծ հպարտությամբ ու մտացածին կապերով, այնքան քիչ է հաջողվում խարել, որքան հաճախ է մոտենում տելեֆոնին, այնքան ավելի է գրգռում իր ծանոթների ծաղրը: Իսկ այդ ծաղրը երեմն հասնում էր բացարձակ ցինիկության:

- Պյոտր Պետրովիչ,— լսեցի ես մի օր,— վաղը ես ձեզ պիտի հանձնարարեն գնել ինձ համար հազար տակառ լուծողական:
- Պյոտր Պետրովիչ,— լսեցի մի ուրիշ անգամ,— չե՞ք կարող, արդյոք, փոխարքայի պալատն ինձ համար կապալով վերցնել:
- Պյոտր Պետրովիչ,— ծաղրեց մի երրորդը,— գնեցեք ինձ համար հինգ հարյուր ուղտ, Հնդկաստան ապրանք եմ ուղարկելու:
- Եվ այդպես, մեկը մյուսից տխմար կատակներ:
- Ես զայրանում էի մինչև հոգու խորքը: Երբեմն պատրաստ էի քարձրաձայն բողոքել մարդկային այդ դաժանության դեմ: Նույնիսկ սրճարանի սպասուիհներն ավելի քարի և մարդասեր ու կիրք էին, քան այդ ռեղինները ու սմոկինգ հազար պարոնները: Իսկ Նադյայից ես հաճախ լսում էի անկեղծ կարեկցության խոսքեր Պյոտր Պետրովիչի վերաբերմամբ:
- Ա'խ, պարոն,— ասում էր նա,— ինչո՞ւ այդ մարդիկ չեն հասկանում, որ ամոք Է³⁹⁸ իրել անբախտներին: Եվ շափազանց գոջում էր, որ մի օր ինքը Պյոտր Պետրովիչին իմ ներկայությամբ անվանել է անամոք, սրիկա:
- Ամառվա սկզբին ես գնացի ամառանց: Այնտեղ ես շմոռացա Պյոտր Պետրովիչին: Հիշում էի նրա օր-օրի վրա կորացող մեջքը և ճերմակող մազերն ու մորուքը: Շարունակ իմ ականջներում հնչում էր նրա խրոխտ ձայնը, որ քանի զնում այնքան թուլանում էր: Արդյոք ամուրի՞ է նա,— մտածում էի ես,— թե՞ ծանրաբեռնված է լնտանիքով, չքավորի այդ դաժան լուծով...
- Աշնան սկզբին, քաղաք վերադառնալով, ես նորեն սկսեցի այցելել նույն սրճարանը:
- Պյոտր Պետրովիչը չկար:
- Ո՞ւր է նա,— հարցրի ես Նադյային:
- Չգիտեմ:
- Միզուցե խեղճը մեռե՞լ է:
- Ոչ, ծանրթմերն ասում են, թե դեռ ապրում է:
- Բայց ինչո՞ւ չի գայիս սրճարան:

— Ա՛խ, պարոն, չեք կարող Երևակայել, թե այժմ ես որքան եմ խղճում Պյոտր Պետրովիչին,— արտասանեց Նադյան ձայնի անկեղծ հնչյունով,— ահա մոտ Երկու ամիս է նա ոտք չի դրել մեր սրճարանը:

— Ինչո՞ւ:

Եվ սպասուիին պատմեց Եղելությունը: Երկու ամիս առաջ մի օր սրճարանի տերը, որ «անպիտաններից անպիտանն էր» հանկարծ Պյոտր Պետրովիչի ձեռից խլում է տելեֆոնի փողը, գոռալով. «Քավական է որքան մաշեցիր իմ ապարատը»: Պյոտր Պետրովիչը, հարկավ, վիրավորվում է և սրճարանի տիրոջն անվանում է անկիրթ: Տեղի է ունենում խոշոր ընդհարում: Սրճարանատերը հրամայում է Պյոտր Պետրովիչին դադարել իր սրճարանը հաճախելուց, ասելով. «Քավական է որքան ձրիաբար լափեցիր իմ նազուրն ու սուրճը»: Այն ժամանակ Պյոտր Պետրովիչն, ինքն իրեն կորցնելով, գոռում է. «Քոստ շուն, դու ո՞վ ես, որ ինձ անպատվում ես: Ես քեզ նման շատերին եմ կերակրել, կզա ժամանակ Էլի կը լուսկրեմ»: Այդ խոսքերի վրա սրճարանի տերը բռնում է Պյոտր Պետրովիչի թեր և դուրս է անում նրան հաճախորդների ներկայությամբ:

— Այն օրից խեղճ մարդը, իհարկե, այլս չի գալիս մեզ մոտ,— շարունակեց սպասուիին:— Երևակայում եմ նրա դրությունը: Հավատացեք, պարոն, այժմ մենք՝ սպասուիիներս, տիրում ենք առանց Պյոտր Պետրովիչի: Սովորել էինք ամեն օր նրան տեսնել ու հետք զրոյց անել: Երբեմն նա մեզ համար հետաքրքրական բաներ էր պատմում իր երիտասարդությունից: Գիտե՞ք, նա հարուստ մարդու որդի է եղել, բոլոր փողերը վատնել է ու թղթախաղում տանուլ տվել: Նա այնպես լավ գիտե պատմել իր արած քեֆերի մասին, որ մարդ ուզում է անվերջ լսել ու լսել:

— Ընտանիքավո՞ր է Պյոտր Պետրովիչը,— հարցրի ես:

— Իհարկե:

— Զավակներ ունի:

— Երկու աղջիկ, մեկը յոթ, մյուսը ութ տարեկան: Երևակայեցեք, քանի որ հարուստ է եղել, չի ամուսնացել, հենց որ աղքատացել է, զնացել է վիզը լծի տակ դրել: Արի ու հասկացիր այդ տեսակ տղամարդկանց: Ա՛հ, երանի թե Պյոտր Պետրովիչը մի ունիշ ավելի բարի սրճարանատեր գտներ, մերը շատ վատ մարդ է, շա'ս: Միայն տելեֆոն էլ ունենար ձեռքի տակ. ես գիտեմ, Պյոտր Պետրովիչի համար տելեֆոնը նույնն է, ինչ որ ծխախոտը ձեզ համար: Այն, այս, առանց տելեֆոնի Պյոտր Պետրովիչը չի կարող ապրել...

Անցան դարձյալ մի քանի ամիսներ . ես տակավին չեի հանդիպում Պյոտր Պետրովիչին, նույնիսկ փողոցներում:

Արդեն սկսել էի մոռանալ նրան, երբ մի օր անսպասելի հանդիպեցի... Ահա թե ինչպես...

Իմ բնակած տան ստորին հարկը մի զրեթե գետնափոր խոնավ նկուղ էր: Ժլատ տանտերը նրան վարձով էր տալիս, որպես բնակարան: Ոչ ոք չէր վարձում նրան, չնայելով էժանությանը: Վաղուց արդեն դարբասի վրա կպցրած հայտարարությունն անձրևներից ու արևից խունացել էր, այնպես, որ բառերը դժվարությամբ էին կարդացվում: Ով գալիս նայում, էր այդ մութ հավաքները, իւլիուս ներ հեռանում էր՝ առանց գինը հարցնելու: Բանն այնտեղ էր հասել, որ գավթապահը շատերին բակից էր ճանապարհ դնում, ասելով.

— Չեր հավանիլ, խոզաբուն է:

Մի երեկո, երբ ես նստած էի իմ բնակարանի պատշգամբի վրա, դղրդալով բակը մտավ մի մեծ սայլ՝ տնային կահկարասիով բեռնավորված:

Սայլի առջևից գալիս էր մի հաղթանդամ կին երկու մանկահասակ աղջիկների հետ. երերն էլ աղքատ էին հազնված: Սայլի ետևից քայլում էր մի տղամարդ լայնեզր գլխարկը աչքերին քաշած, վերարկուի օճիքը բարձրացրած այնպես, որ նրա երեսը չէր կարելի տեսնել: Նա գալիս էր համրաքայլ, գլուխը կրծքին թեքած, կորամեցք:

Սայլը կանգ առավ դատարկ կացարանի առջև: Կինը բարձրաձայն կանչեց գավթապահին: Ոչ ոք չեկավ: Ճետո իմացա, որ գավթապահը թաքնվել էր, աղքատ վարձվորներին օգնելուց փախչելով:

— Պետրոս, շուտ եկ, ի՞նչ ես դանդաղում,— դարձավ կինը սայլի ետևից քայլողին:

— Գալիս եմ, գալիս,— կրկնեց մարդը գրգռված ձայնով:

Ես իսկույն ճանաչեցի այդ ձայնը և նրա տիրոջ մեծ անձրևանոցը: Դա ինքը Պյոտր Պետրովիչ Փեփինյանցն էր իր ընտանիքով:

Նա սկսեց սայլապանի օգնությամբ իրերը սայլից տեղափոխել բնակարան: Կինն ու աղջիկներն օգնում էին նրան:

Ես զգացի, որ Պյոտր Պետրովիչը, ծանոթ դեմք տեսնելով, կարող է շփոթվել, ուստի քաշվեցի պատշգամբի խորքը, որպեսզի չերևամ: Արդարև ցավալի էր ինձ

համար տեսնել նրա հպարտ ուսերը ծանր սնդուկների ու պահարանների տակ: Բայց և այնպես ինձ հետաքրքրում էր Պյոտր Պետրովիչի ներկա վիճակը: Ես ուզում էի լսել ինչ է կատարվում ներքեւում:

Տնքալով, տրտնջալով, շգիտեմ ում և ինչու համար հայիոյելով նա իրերը տեղափոխում էր նոր կացարանը: Պարզ էր, որ նա անիծում էր իր վիճակը, ինչպես կարող է անիծել մեկը, որին բանտ են ուղարկում իրերը վրեն բարձած:

Կարգադրում էր նրա կինը, բարձր ձայնով հրամաններ արձակելով և գոռալով ^{ա. 201} մըրի վրա որպես բանտապետ: Այս ձայնն ինձ թվաց շատ անախորժ, շատ շար: Ես կրկնակի խղճացի Պյոտր Պետրովիչին: Վերջապես սայլը դատարկվեց, սայլապանը հեռացավ գոռալով ու հայիոյելով: Նա իր ստացած վարձով գոհ չէր ուստի սրտի մաղար մտրակի զորեղ հարվածներով թափում էր ձիերի վրա: Վարձ տվողը Պյոտր Պետրովիչը չէր, այլ նրա ամուսինը:

Բնակարանի դռներն ու լուսամուտները բաց էին: Ոչ միայն ես, այլև բոլոր հարեւանները կարող էին լսել ինչ է կատարվում Պյոտր Պետրովիչի ընտանիքում, մանավանդ որ նրա հաղթանդամ կողակիցը չէր քաշվում իր կոկորդին ուժ տալուց:

Ես լսեցի.

— Դու ասում ես ինչպես պիտի ապրես այս հոտած փոսո՞ւմ: Հա՛, իհարկե, քն տխմար հպարտությունը ո՞նց կարող է դիմանալ: Բայց ոչինչ, կսովորես: Վաղուց էր հարկավոր մի այսպիսի անկյուն ընտրել քեզ համար, որ մի քիչ քիթ քաշանա:

— Չէ, Նատաշ, դու շատ անհամբեր կին ես: Չէ՞իր կարող մի քիչ էլ սպասել, մինչև որ գործերս դրստվեն:

— Գործե՞րս, գործե՞րս: Հարցնող լինի, այդ ի՞նչ գործեր են: Տասը տարի է քեզ հետ ամուսնացել եմ, շարունակ դատարկ հույսերով ես կերակրում ինձ: «Սպասիր այսինչի կալվածքը ծախեմ, սպասիր՝ այնինչի հանքը ծախեմ, կոմիսիոն կստանամ, կհարստանանք»: Բայց մինչև այսօր ոչ մի հատիկ գործ էլ չկարողացար գլուխ բերել: Օրը մինչև երեկո կամ վազվզում ես փողոցներում, կամ նստած ես սրճարաններում, սրա-նրա հետ տաք-տաք վիճաբանում, իսկ տուն վերադառնում ես դատարկ ձեռքերով: Դու ի՞նչ կոմիսիոներ ես, դու ի՞նչ գործ կատարող ես: Ոչինչ, ոչի՞նչ: Դու միայն գիտես մեծ-մեծ մարդկանց անուններ արտասանել ու մեծ-մեծ խոսել քո անցյալի մասին:

— Բայց հասկացիր, կի՞ն, միլիոններ արժեցող կալվածք կամ հանք ծախելը մի զույգ գուլպա ծախել չէ: Ժամանակ է հարկավոր, համբերություն:

— Համբերությո՞ւն, համբերությո՞ւն, ասա, խնդրեմ, մինչև Ե՞րբ: Աղջիկներդ
ովալքիքիկ են շրջում, ես վերջին շապիկս եմ մաշում, դու ինքդ հնավաճառի
խանութ ես դարձել, իսկ ապրում ես իշխանների ու միլիոնատերեր անուններով:
Ճիմա էլ ասում ես, թե ինչ-որ անգլիացիների, թե բելգիացիների համար պետք է
նավթահանքեր գնես: Ω՛չ, էլ ես քեզ չեմ հավատում, դու գործ կատարող չես: Եթե
դու խելք ունենայիր, հորդ հարստությունը քամուն չէիր տալ կամ գոնե քամուն
տալուց հետո հիմարաբար չէիր ամուսնանալ:

— Ի՞նչ անեմ, սիրահարվեցի քեզ վրա, ամուսնացա:

— Լոհի՞ր, աստված սիրես, դու ի՞նչ ես, որ սիրահարվես կամ սիրես:

— Ուրեմն դո՞ւ սիրահարվեցիր ինձ վրա,— փորձեց Պյոտր Պետրովիչը
վիճաբանությունը կատակի վերածել:

— Հապա, ինչպե՞ս չէ, խելքս կորցրի քեզ համար,— հեզնեց հաղթանդամ կինը,
— լա՛վ, կարծ կապիր. քաղաքում մարդ չի մնացել, որից ձեռապարտ չլինես
վերցրած: Մսավաճառներին պարտական, հացթուխներին պարտական,
քնակարանատերերին պարտական: Բավակա՛ն է, դու խայտառակեցիր քեզ էլ,
ինձ էլ:

— Ուրեմն ի՞նչ ես ուզում ինձնից, այն ասա:

— Ես պահանջում եմ, որ թողնես գոռոզությունդ ու գնաս մեկին ծառայես ինչպես
հասարակ գործակատար:

— Ի՞նչ,— կատաղեց Պյոտր Պետրովիչը,— Փեփինյանցը գործակատա՞ր:
Քարերը կբողոքեն դրա դեմ: Իսկ ի՞նչ կասեն իմ անցյալը ճանաշողները,
զիտե՞ս . . .

— Ինչ ուզում են, թող ասեն, միայն թե ընտանիքդ մի կտոր հաց ունենա:

— Ω՛չ, ես ծառայել չեմ կարող, այն էլ գործակատար:

— Դե լավ, մի՛ ծառայի: Այն ժամանակ ես ինքս կանեմ իմ ուզածը:

— Ի՞նչ կանես:

— Այ, վաղն ևեթ մեր նոր հարևաններին կասեմ, որ ես լվացարարուիի եմ ու
կսկսեմ ուրիշների կեղտուտ շորերը լվանալ:

— Դու այդ չե՞ս անի:

— [303] ևնե՞մ:

- Դու չես խայտառակի Պյոտր Պետրովիչ Փեփինյանցին:
- Կխայտառակեմ, այ, այս խեղճ երեխաներին պահելու համար:
Վիճաբանությունը քանի գնում, այնքան սաստկանում էր և քանի գնում այնքան Պյոտր Պետրովիչի ձայնը մեղմանում էր: Ընդհակառակը, քանի գնում, այնքան զորեղանում էր նրա կողակցի ձայնը: Զգիտեմ ինչ պատահեց, հանկարծ մանկահասակ աղջիկները սկսեցին աղաղակել ու հետո հեկեկալ:

Լսվեցին հատուկոր հայիոյանքներ. կնոշ կողմից՝ «աղքատ ու հպարտ, սուտ արիստոկրատ, ծույլ ձրիակեր, խարեբա». Պյոտր Պետրովիչի կողմից՝ «անամոք, անպատկառ, շան ծնունդ» և այն, և այլն: Լսվեցին կահ ու կարասու ուժգին դղրդոց և ինչ-որ խոլ թնդյուն:

Այնուհետև տիրեց լոռություն:

Փոքր անցած՝ ես դուրս եկա փողոց իմ իրիկնային սովորական զբոսանքը կատարելու:

«Դարբասի առջև, զավթապահի նստարանի վրա նստած էր մի մութ պատկեր: Նա հանդարտ» լալիս էր:

Պյոտր Պետրովիչն էր:

Ինձ տեսնելով, նա խսկույն ոտքի ելավ, ձեռքերը դրեց մեջքին, բարձրից հպարտ նայեց ինձ վրա ու սկսեց ինչ-որ օպերետից շվացնել ինչ-որ ուրախ մի եղանակ...

About this digital edition

This e-book comes from the online library [Wikisource](#)^[1]. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](#)^[2] license or, at your choice, those of the [GNU FDL](#)^[3].

Wikisource is constantly looking for new members. During the realization of this book, it's possible that we made some errors. You can report them at [this page](#)^[4].

The following users contributed to this book:

- Ասիրա87

-
1. [↑ http://wikisource.org](http://wikisource.org)
 2. [↑ http://www.creativecommons.org/licenses/by-sa/3.0](http://www.creativecommons.org/licenses/by-sa/3.0)
 3. [↑ http://www.gnu.org/copyleft/fdl.html](http://www.gnu.org/copyleft/fdl.html)
 4. [↑ http://wikisource.org/wiki/Wikisource:Scriptorium](http://wikisource.org/wiki/Wikisource:Scriptorium)